




ՀՈԳԵՎՈՐ ԾԵՄԱՐԱՆԻ ՎԵՐԱԲԱՑՈՒՄԸ

Մ. ՈՐՈՇՈՒՄՆԱՆ ԳԵՄՄ

Սեպտեմբերի 9-ին, երկուշաբթի օրը, ժամը 12-ին, Վեհափառ Հայրապետի նախագահությամբ, տեղի է ունենում հոգևոր ճեմարանի 1974—1975 ուսումնական տարվա հանդիսավոր բացումը, որին ներկա էին Մայր Աթոռի միաբանությունը՝ Մայր տաճարի լուսարարապետ տ. Հուսիկ եպս. Սանթրոքյանի գլխավորությամբ, Գերագույն հոգևոր խորհրդի անդամները, Մայր Աթոռի պաշտոնեությունը, հոգևոր ճեմարանի դասախոսական կազմը և ուսանողությունն ու այլ հրավիրյալներ:

Հանդիսությունն սկսվում է «Հայր մեր»-ով: Հոգևոր ճեմարանի դասախոս տ. Եզնիկ արք. Պետրոսյանն ընթերցում է «Սերմացանի առակ»-ը և Ավետարանից: Ա. լսարանի ուսանող Հակոբ Գլնճյանն ընթերցում է Նաբեկից (բան ԼԴ) և Հոգուն ողբված աղոթք-աղերսը: Հոգևոր ճեմարանի ուսանողները երգում են «Աշակերտք Քրիստոսի» և «Որք զարդարեցին» շարականները:

Խոսք է առնում հոգևոր ճեմարանի նախկին տեսուչ տ. Արիս ծ. վրդ. Ծիրվանյանը, որը հովվական պաշտոնի է կոչվելու: Հոգեշնորհ հայր սուրբը հրաժեշտի իր խոսքն է ասում հոգևոր ճեմարանի դասախոսական կազմին և ուսանողությանը՝ արտահայտելով իր լավագույն տպավորությունները հոգևոր ճեմարանից, անցած երկու տարիների ընթացքում:

Այնուհետև խոսք է առնում հոգևոր ճեմարանի տեսչի պաշտոնն ստանձնած տ. Հովհաննես ավագ քին. Մարությանը, երախտագիտություն է հայտնում Ամեն

հայն Հայոց Վեհափառ Հայրապետին՝ իր նկատմամբ ցույց տրված բարձր վստահության համար, և հավատացնում բոլոր ներկաներին՝ խղճի մոտք և նվիրումով կատարելու իրեն հանձնված պատասխանատու աշխատանքը:

Այնուհետև, մասնավորաբար հոգևոր ճեմարանի ուսանողությանն ողբված, օրհնության խոսք է ասում Ամենայն Հայոց Վեհափառ Հայրապետը:

Խանդավառ մթնոլորտում ողջ ներկաները հոտովալա երգում են «Էջ Միածինն ի Հօրե» շարականը:

Հանդեսն ավարտվում է Տերունական աղոթքով:

Այս տարի հոգևոր ճեմարանի տեսչության և դասախոսական կազմի մեջ տեղի են ունեցել հետևյալ փոփոխությունները. նոր պաշտոնի կոչվելով, տեսչի պարտականություններից ազատվել է տ. Արիս ծ. վրդ. Ծիրվանյանը: Վեհափառ Հայրապետի կարգադրությամբ տեսչի պաշտոնը հանձնվել է տ. Հովհաննես ավագ քին. Մարությանին: Հոգևոր ճեմարանի վերակացու է նշանակվել Նորայր արկ. Ավագյանը: Տ. Արիս ծ. վրդ. Ծիրվանյանին և տ. Աղան վրդ. Բալիոզյանին ուսուցչական ասպարեզում փոխարինել են տ. Հմայակ եպիսկ. Ինդրյանը և տ. Եզնիկ արք. Պետրոսյանը:

Սեպտեմբերի 10-ին, երեքշաբթի օրը, առավոտյան ժամը 9.30-ին, հնչում են ուսումնական նոր՝ առաջին զանգերը և սկսվում դասախոսությունները: